

Bal sun Col de Flam

Sugestiva ie stata la performance de bal cun la gran balarina Anastasia Kostner, ma nce cun n valguna ciantarines dla grupa Helios Cinzia Crepaz, Giulia Walpoth, Romina Glira, Maria Glira, Sarah Amort, Marion Insam, Irene Kostner, Anna Kostner, Carmen Pancheri y Jana Moroder che se à lascià udèi y audi

Bienela - Samuel Walpoth y Alex Großrubatscher à sunà pra l bal y la cianties di Helios, lassù tl bosch. Nce Martin Demetz y Ujep Runggaldier à fat pea pra l proiet.

Anastasia Kostner: na vita cun y per l bal

La jèuna d'Urtijèi Anastasia Kostner ie na balarina cunesciuda che sta al mumènt a Amsterdam, ulache la se alenea da sies a ot èura al di. La Usc l'ha cuntateda per mparé a la cunèscer miéc: "Balé ie mi lèur y mi pascion.


Ntan la passa sies èura al di de alenamènt mperi ite bai nueves o bale tòc di bai che sé bele.

Davia che é plu proiec tl medemo mumènt muessi savèi passa cin' bai adamènz," spiega Anastasia Kostner, che viv cun y per l bal. „Dut chès



Anastasia Kostner ntan l bal.

alenamènt uel sambèn nce vester, sce n muessa vester boni de balé de tei bai che dura mes' èura o mo



La ciantarines dla grupa Helios ie states bones de tré pea duc te n mond de magia de nosc bòsc, auzan l dèit a chiche ne sà nia da sciazé l valor dl crià, de uni planta, de uni lèn: ciantia, bal, muvimènt, fueres, propi bel iel stat!

deplù," dij inant la balarina jèuna de Urtijèi che ie nce stata la prtagonista dl bal che ie uni prejentà pra la giaurida dla Bienela Gherdèina sun Col de Flam.

Anastasia Kostner da Stlejuc de Urtijèi à bele fat pea pra truep proiec mpurtanc a nivel nternaziunel. La ie nscila unida crissa ora per prejenté l bal ideà y scrit dal'artista franzèusa Mathilde Rosier per la giaurida dla Bienela Gherdèina 2018 "Sureghes - Writing the Mountains", che ie stat n sada dan otodì. La balarinà à studià bal cuntemporann a Linz, Londra y Frankfurt. Sèn vivela y lèurela a Amsterdam, coche "freelance dancer" - che uel di che la lèura cun cumpanies de bal cuntemporann coche balarina per produziuns. La lèura dantaldut ti Paejes Basc, ma nce datrai te truep d'autri Stac dl'Europa. La jèuna à fat pea pra truepa manifestaziuns y proiec mpurtanc mpue' dlonch ti ani passei: "Alps Move Festival", "Zingende Beelden", "Re_imagining piano", "Valse triste", "Icosahedronic", "Schwer wie Ein-Stein", "Tanz und Orgel", proiec per la Lia Mostra d'Ert y truep d'auter.

L pez che ie uni balà da Anastasia cun la grupa Helios per la giaurida dla Bienela Gherdèina sun Col de Flam ie dedicà ala natura y ai lèns. L se trata de n pez che conta la storia mitologica - dla mitologia greca - de Daphne, reprejentada dala balarina de Urtijèi, n'èila che devènta n lèn.

Bruno Maruca